

सो ऽनूचानास्ते मनुष्यदेवाः । तेषां द्वेधा विभक्त एव यज्ञः ।
 आहुतय एव देवानां दक्षिणा मनुष्यदेवानां ब्राह्मणानां शु-
 श्रुवुषामनूचानानाम् । आहुतिभिरेव देवाग्नीणाति दक्षिणा-
 भिर्मनुष्यदेवान्ब्राह्मणाञ्छुश्रुवुषो ऽनूचानान् । त एनमुभये
 5 देवाः प्रीताः सुधायां दधति ॥६॥

LXX. ÇATAPATHA BRAHMANA II. 2. 2.

तस्य वा एतस्याग्न्याधेयस्य सत्यमेवोपचारः । स यः सत्यं
 वदति यथाग्निं समिद्धं तं घृतेनाभिषिञ्चेदेवं हैनं स उद्दीपयति
 तस्य भूयो भूय एव तेजो भवति श्वः श्वः श्रेयान्भवति । अथ यो
 ऽनृतं वदति यथाग्निं समिद्धं तमुदकेनाभिषिञ्चेदेवं हैनं स जा-
 10 सयति तस्य कनीयः कनीय एव तेजो भवति श्वः श्वः पापी-
 यान्भवति । तस्मादु सत्यमेव वदेत् ॥१९॥ तदु हाप्यरुणमौ-
 पवेशिं ज्ञातय ऊचुः स्थविरो वा अस्यग्नी आ धत्स्वेति । स
 होवाच ते मैतद्धूथ वाचंयम एवैधि न वा आहिताग्निनानृतं
 वदितव्यं न वदञ्जातु नानृतं वदेत्तावत्सत्यमेवोपचार इति ॥२०॥

LXXI. ÇATAPATHA BRAHMANA X. 4. 3.

15 एष वै मृत्युर्यत्संवत्सरः । एष हि मर्त्यानामहोरात्राभ्यामा-
 युः क्षिणोति । अथ म्रियन्ते । तस्मादेष एव मृत्युः । स यो
 हैतं मृत्युं संवत्सरं वेद न हास्यैष पुरा जरसो ऽहोरात्राभ्यामा-
 युः क्षिणोति । सर्वं हैवायुरेति ॥१॥ एष उ एवान्तकः । एष
 हि मर्त्यानामहोरात्राभ्यामायुषो ऽन्तं गच्छति । अथ म्रियन्ते ।